

SAKSPAPIR

Saksnr	Utval	Type	Dato
059/16	Formannskapet	PS	11.05.2016

Saksbehandlar	ArkivsakID
Jostein Klette	14/2100

Fastsetting av politisk arbeidsgruppe - kommuneplanen sin samfunnsdel

Rådmannen sitt framlegg til vedtak:

1. I samband med utarbeiding av samfunnsdelen til kommuneplanen vert Rådmannen si leiargruppe fastsett som styringsgruppe for arbeidet.
2. For den vidare prosessen vert det nedsett ei ny politisk arbeidsgruppe. Arbeidsgruppa får eit medlem frå kvart parti som er representert i heradstyret. Dei valde medlemma er :
3. Formannskapet tek til orientering revidert framdriftsplan for prosessen med samfunnsplanen.

Formannskapet - 059/16

FS - behandling:

Ordføraren gjorde slikt framlegg: "Kvart parti oppnemner sin kandidat."

Formannskapet slutta seg samrøystes til framlegget.

Det vart halde pause i drøftingane frå kl. 16.15 - kl. 16.20 med gruppemøte for FRP.

Det vart gjort slike framlegg om val til politisk arbeidsgruppe:

FRP: Alf Terje Mortensen, AP: Johannes Bysheim, MDG: Silje M. Vevle, H: Ingemar Tepstad, SP: Lars Fjeldstad, V: Kjersti Vevatne og KRF: Jarle Skeidsvoll.

AVRØYSTING

Rådmannen sitt framlegg - samrøystes vedteke.

Medlemmer i arbeidsgruppe - samrøystes valde

FS - vedtak:

1. "I samband med utarbeiding av samfunnsdelen til kommuneplanen vert Rådmannen si leiargruppe fastsett som styringsgruppe for arbeidet.
1. For den vidare prosessen vert det nedsett ei ny politisk arbeidsgruppe. Arbeidsgruppa får eit medlem frå kvart parti som er representert i heradstyret. Dei valde medlemmane er: Jarle Skeidsvoll, KRF, Alf T. Mortensen, FRP, Johannes Bysheim, AP, Silje M. Vevle, MDG, Ingemar Tepstad, H, Lars Fjeldstad, SP og Kjersti Vevatne, V.
1. Formannskapet tek til orientering revidert framdriftsplan for prosessen med samfunnsplanen."

Saksopplysningar:

Saksopplysningar:

Bakgrunn

I samband med utarbeiding av planprogrammet til kommuneplanen sin samfunnsdel vart det oppretta ei politisk arbeidsgruppe, jf. FS vedtak 063/14 den 03.09.14:

«I samband med utarbeiding av samfunnsdelen til kommuneplanen vert det vald ei politisk arbeidsgruppe. Arbeidsgruppa får seks medlemmer og desse vert valde: Johannes Bysheim, AP, Janne Sylta, SP, Jarle Skeidsvoll, varaordførar, KRF, Ingemar Tepstad, H, Hildegunn Mo, FRP og Geir Iversen, V.»

Etter konstituering av nytt heradstyre er det behov for stadfesting av nedsett politisk arbeidsgruppe eller val av ny politisk arbeidsgruppe.

Vurdering

Rådmannen meiner organisering med politiske arbeidsgrupper i viktige planprosessar er positivt for planarbeidet. Det sikrar drøfting av viktige og relevante politiske problemstillingar. Rådmannen meiner den politiske arbeidsgruppa for samfunnsplanen bør bestå av eit medlem frå kvart parti i heradstyret for å sikre ei brei politisk forankring og at alle parti er informert om den pågåande prosessen. Rådmannen ber difor Formannskapet nedsette ei ny politisk arbeidsgruppe for den vidare prosessen.

Tidlegare vedtak i saka har ikkje stadfesta Rådmannen si leiargruppe som styringsgruppe for prosessen. Ein ønskjer å få dette formalisert gjennom vedtak i saka.

Planavdelinga har revidert og detaljert framdriftsplan for prosessen. Her er mellom anna milepelar og temamøter fastsett. Planperioden er no utvida. Dette er vurdert som naudsynt i høve til intensitet og arbeidsmengd i prosessen, særleg for den politiske arbeidsgruppa. I tillegg vil dette planarbeidet gå parallelt med sjø- og strandsoneplanen og ein må difor pårekne lengre handsamingstid.

Tidsplan

2016 25.mai – Seminar – Framtidig utvikling av Osterøy

Juni - Fyrste møte styringsgruppe

Juni – Konkuranse – «Mitt Osterøy» - born og unge

Sept - Møte 1 - Politisk arbeidsgruppe - Sentrale utfordringar

Sept – Stand - Innbyggjarar – Stand i ulike bygder

Sept - Møte 2 - Politisk arbeidsgruppe - Næringsliv og kompetanse

Okt - Møte 3 - Politisk arbeidsgruppe - Oppvekst

Okt – Møte – Lag og organisasjonar

Nov – Møte 4 - Politisk arbeidsgruppe – Folkehelse, inkludering og mangfald

Nov – Møte – Lag og organisasjonar

Des – Møte – Eldreråd og ungdomsråd

Des – Møte 5 - Politisk arbeidsgruppe – Natur, kultur og miljø

2017

Jan – Møte 6 - Politisk arbeidsgruppe – Arealstrategi

Jan - Møte 7 - Politisk arbeidsgruppe - Handlingsdel

Feb – Møte 8 - Politisk arbeidsgruppe - Handlingsdel

Jan – Sept – Utarbeiding av plan

Sept – Møte 9 - Politisk arbeidsgruppe - Utkast til plan

Okt – Regionalt planforum

Nov – Formannskap – Vedtak utlegging til 1. gongs off. ettersyn

2018

Feb – Bearbeiding merknadar

Mars – Politisk avklaring

April-Mai – Endeleg vedtak samfunnsplanen Heradstyret

Konklusjon

Det bør opprettast ei arbeidsgruppe der eit medlem frå kvart av partia i heradstyret er representert og rådmannen si leiargruppe vert fastsett som styringsgruppe for prosessen. Forslag til oppdatert framdriftsplan vert teken til vitande.